

आकाशवाणी

खबरां:

1 राष्ट्रपति द्रौपदी मुर्मू होरें आखेआ ऐ जे सैलसफा दे विकास कन्नै नां छड़ा विरासत गी बढ़ावा थहोंदा ऐ, सगुआं नौजोआनें लेई रोजगार दे मौके बी पैदा होंदे न।

2 प्रधानमंत्री नरेंद्र मोदी होरें मुख्य भरै दे बक्ख-बक्ख रेलवे स्टेशनं पर 18 प्रधानमंत्री भारतीय जन औषधि केंद्रें दी शुरूआत कीती।

3 उप-राष्ट्रपति जगदीप धनखड़ होरें वियतनाम दी नेशनल अकेडमी ऑफ पालिटिक्स दे अध्यक्ष डॉ. गुयेन गुआन थांग हुंदे कन्नै मलाटी कीती ते रणनीतिक सांझेदारी गी मजबूत करने बारै चर्चा कीती।

4 पंचैती राज मंत्रालय वित्त आयोग दे इक दिन दे सम्मेलन दा आयोजन करोग।

5 नीति आयोग दे मिम्बर डॉ. वी.के पाल होर 43में भारतीय अंतरराष्ट्री बपार मेले दा उद्घाटन करडन।

<><><><><><>

Gujrat-President

राष्ट्रपति द्रौपदी मुर्मू होरें आखेआ जे सैलसफा दे विकास कन्नै ना छड़ा विरसे गी बढ़ावा थहोंदपा ऐ सगुआं नौजोआनें लेई रोजगार दे बड़े सारे मौके पैदा होंदे न। केंद्र शासित प्रदेश दादरा नगर हवेली ते दमन ते दीव दे त्रुं दिनें दे दौरै दौरान उनें अज्ज स्पोर्ट्स अरेना, जांडा चौक स्कूल ते गेम जोन चरण-2 सने

बक्ख-बक्ख विकास परियोजनाएं दा उद्घाटन कीता। राष्ट्रपति द्रोपदी मुर्मू होरें इक जनसभा गी सबोधित करदे होई क्षेत्र दे सैलसफे, शिक्षा ते औद्योगिक विकास च दमन दीव ते दादरा नगर हवेली प्रशासन दे प्रयासें दी सराहना कीती। राष्ट्रपति होरें विकसित भारत दे लक्ष्य गी हासल करने लेई ग्राएं दे विकास पर जोर दिता। उनें आदिवासी समुदायें दे कल्याण लेई केंद्र सरकार दी बचनबद्धता दी पुष्टि कीती। इस कोला पैहले राष्ट्रपति होरें सिलवासा च नमो मेडिकल एजुकेशन रिसर्च इंस्टीच्यूट दा बी दौरा लाया। उंदा दीव च आई.एन.एस खुकरी मेमोरियल दा दौरा करने दा बी कार्यक्रम ऐ। स्हाढ़े संवाददाता नै खबर दिती ऐ जे जांडा स्कूल एजुकेशन हब दा निर्माण 76 करोड़ रपे दी लागत कन्नै कीता गेआ ऐ। एह कोई 12 जहार विद्यार्थिं लेई अज्जै-कल्लै दिएं सुविधाएं कन्नै लैस ऐ।

<><><><><><>

PM-Jan Aushadhi

प्रधानमंत्री नरेंद्र मोदी होरें अज्ज देश भरै दे बक्ख-बक्ख रेलवे स्टेशनें पर 18 प्रधानमंत्री भारतीय जन औषधि केंद्रें दा शुभारम्भ कीता। उनें बिहा दे दरभंगा थमां वीडियो कांफ्रेंसिंग राएं 12 जहार करोड़ रपे कोलां मते दी होरनें विकास आहिलियें परियोजनाएं दा उद्घाटन कीता। एह केंद्र यात्रुएं लेई रेलवे स्टेशनें पर सस्ती दवाइएं दी उपलब्धता यकीनी करोग। इस मौके पर प्रधानमंत्री होरें आखेआ जे सरकार देश च स्वास्थ्य ढांचें गी मजबूत करने लेई पूरे-पराते नजरिये कन्नै कम्म करा'रदी ऐ। उनें आखेआ जे सरकार दा ध्यान लोकें गी

किफायती ते मुफ्त स्वास्थ्य सेवाएं ते दवाइयां उपलब्ध कराना ऐ। प्रधानमंत्री होरें आखेआ जे अगले 5 बरें च 75 जहार नमियां मेडिकल सीटां जोड़ियां जाडन। उनें आखेआ जे आर्थिक रूपै नै कमजोर तबके लेई देश च 1 लकख 50 जहार शां मते आयुश्मान आरोग्य मंदर खोले गेदे न।

<><><><><><>

Arunachal-Fisheries

केंद्री मत्स्य पालन, पशु पालन ते डेयरी मंत्री राजीव रंजन सिंह होरें ईटानगर च केंद्र सरकार दी बक्ख-बक्ख योजनाएं दी समीक्षा कीती। समीक्षा बैइक मगरा मीडिया कन्नै गल्ल करदे होई सिंह होरें आखेआ जे पिछले 10 बरें च मुख्य च मछली उत्पादन च बड़ा मता बाद्दा होआ ऐ। उनें आखेआ जे 2014 च मछली उत्पादन 96 लकख टन हा जेड़ा अज्ज 176 लकख टन ऐ। सिंह होरें आखेआ जे अरुणाचल प्रदेश च मछली पालन आहले सैक्टर च बड़ी मती समर्थ मौजूद ऐ।

<><><><><><>

PM-Sarath

प्रधानमंत्री ते भाजपा दे वरिष्ठ नेता नरेंद्र मोदी होरें विपक्षी दलें पर झारखंड दी पंछान बदलने दी साजिश करने दा आरोप लाया ऐ। देवधर जिले दी सारर विधानसभा दे रंगा सिरसा मैदान च जनसभा गी संबोधित करदे होई मोदी होरें आखेआ जे घुसपैठिएं करी केई सारे इलाकें च संथाल जनजाति दी आबादी च कमी आई ऐ।

<><><><><><>

SC- Bulldozer Action

सुप्रीम कोर्ट नै फैसला सनाया ऐ जे कार्यपालिका, व्यक्तिएं दी संपत्तिएं गी त्रोंड़िए उंदे अपराध दा निर्धारण करने च न्यायपालिका दे तौर पर कम्म नेई करी सकदी ऐ। आरोपी व्यक्तिएं खलाफ बुलडोजर कार्रवाई गी चुनौती देने आहली याचिकाएं पर इक्क महत्वपूर्ण फैसले च न्यायपालिका नै आखेआ ऐ जे उचित प्राधिकार बगैर कुसै बी संपत्ति गी हटाना मनमाना समझेआ जाग। शीर्ष अदालतै लोकतांत्रिक शासन दी नींह दे तौर पर कनून दे शासन पर जोर दिंदे होई आखेआ जे कुसै बी आरोपी दे अपराध गी परिकल्पित नेई कीता जाई सकदा।

<><><><><><>

BJP-INC-Bulldozer

भारतीय जनता पाओर् नै बुलडोजर कार्रवाई पर सुप्रीम कोर्ट दे फैसले दा सौआगत करदे होई आखेआ ऐ जे एह निर्देश इक राज्य आस्तै नेई सगुआं समूलचे मुख्य आस्तै ऐ। पार्टी प्रवक्ता संबित पात्रा होरें नमीं दिल्ली च संवाददाताएं दे सोआलें दा परता दिंदे होई आखेआ जे भारत च कनून दा शासन ऐ ते नियमें ते संविधान मूजब कार्रवाई कीती जंदी ऐ। उनें आखेअउा जे अपराधिणें दे मनै च डर ते आम लोकें दे मनै च शांति होना मुख्य लेई अच्छा ऐ। तोआई कांग्रेस नै शीर्ष अदालत दे फैसले दा सौआगत कीता ऐ। पार्टी सांसद

रंजीत रंजन होरें नमीं दिल्ली च संवाददाताएं कन्नै गल्लबात च आखेआ जे उंदी पार्टी बुलडोजर कार्रवाई दा विरोध करदी रेई ऐ।

<><><><><><>

VP-Vietnam

उपराष्ट्रपति जगदीप धनखड़ होरें अज्ज नमीं दिल्ली च वियतनाम दी कम्युनिस्ट पार्टी दे ब्यूरो सदस्य ते हो ची मिन्ह नेशनल अकेडमी ऑफ पालिटिक्स दे अध्यक्ष डॉक्टर गुयेन जुआन थांग कन्नै मलाटी कीती। बैठक दौरान भारत ते वियतनाम बशकार व्यापक रणनीतिक सांझेदारी गी होर मजबूत करने आसतें उभरदी प्रौद्योगिकिं दी भूमिका सने आपसी हितें दे बक्ख-बक्ख मुद्दें पर चर्चा होई।

<><><><><><>

Jaishakar-Saudi

विदेश मंत्री डॉ. एस. जयशंकर होरें पच्छिम एशिया दी स्थिति खासतौरा पर गाजा च चला रदे संघर्ष पर डूंगी चिंता जाहिर कीती ऐ। उनें भारत दे नजरिए दा जिक्र करदे होई आखेआ जे एह सुसंगत ते सैद्धांतिक रेआ ऐ। उनें आखेआ जे भारत ते साउदी अरब दे केई सारे क्षेत्रें जियां रक्षा ते सुरक्षा आहले क्षेत्रें च साथ-सहयोग कन्नै कम्म करा रदे न। उनें आखेआ जे भारत साउदी अरब रणनीतिक सांझेदारी परिशद दी राजनीतिक, सुरक्षा, सामाजिक ते सांस्कृतिक समिति दी सह अध्यक्षता कीती। साउदी अरब दे विदेश मंत्री प्रिंस फैसल बिन फरहान अल साउद होरें आखेआ जे भारत कन्नै सरबन्ध सहयोग ते आपसी

सम्मान दी लम्मी अवधि आहली नीह पर बने देन। उनें आखेआ जे साउदी अरब अंतरराष्ट्रीय शांति, सुरक्षा ते आर्थिक विकास यकीनी करने आस्तै बक्ख-बक्ख मुद्दें पर अपनी स्थिति गी अगगे बदाना जारी रखडन। साउदी विदेश मंत्री 2 दिन दी भारत यात्रा पर कल दिल्ली पुज्जे हे। स्हाड़े संवाददाता नै दस्सेआ ऐ जे भारत ते साउदी बश्कार शांतिपूर्ण ते दोस्ताना सरबंध न। पिछले माली बरे च दपक्खी बपार 52 अशारया 7-6 अरब डालर हा।

<><><><><><>

MAHA-Campaign

महाराष्ट्र च विधानसभा चुनां दा प्रचार तेजी फगड़ा रदा ऐ ते बक्ख-बक्ख राजनीतिक दलें दे नेता मतदाताएं गी अपनी भेठा करने आस्तै राज्ये दे बक्ख-बक्ख हिस्सें च प्रचार करा रदे न। केंद्री मंत्री ते भारतीय जनता पार्टी दे वरिष्ठ नेता अमित शाह होरें धूले जिले दे सिंदखेड़ा च इक रैली गी संबोधित करदे होई आखेआ जे हरियाणा दी महायुति महाराष्ट्र च सत्ता च वापसी करोग। उनें मुखमंत्री माझी लड़की बहिन योजना दा विरोध करने आस्तै राष्ट्रवादी कांग्रेस पार्टी-एस.पी दी सांसद सुप्रिया सुले ते महाविकास अगाड़ी दे होरनें नेताएं दी आलोचना कीती। भारतीय जनता पार्टी दे अध्यक्ष जे.पी नड्डा, पीयूष गोयल, उपमुखमंत्री देवेन्द्र फडणवीस नांदेड ते उत्तर प्रदेश दे मुखमंत्री योगी आदित्यनाथ बी प्रचार करा रदे न। एन.सी.पी एस.पी नेता शरद पवार होरें प्रधानमंत्री हुंदी हाल दी इक रिपोर्ट च महाराष्ट्र दा रैंक हेठ औने पर महायुक्ति सरकार दी निंदेआ कीती।

<><><><><><>

Haryana-Session

हरियाणा विधानसभा दा 15मां सत्र अज्जै थ्वां राज्यपाल बंडारू दत्तात्रेय हुंदे संबोधन कन्नै शुरू होआ। सत्र गी संबोधित करदे होई राज्यपाल होरं आखेआ जे हरियाणा च विकास दा अनुकूल माहौल ऐ। एह यकीनी करना सब्बनं सदस्यें दी जिम्मेदारी ऐ जे इस समें दा बद्दोबद्द लाह राज्य ते औदी जनता गी थ्होगं दत्तात्रेय होरें आखेआ जे इंदे चुनाएं च राज्य सरकार गी ऐतिहासिक ते निर्णायक जनादेश थ्होआ ऐ। एह जनादेश सरकार दी मौजूदा नीतियें ते कार्यक्रमें च राज्य दी जनता दे विश्वास ते निश्ठा दी अभिव्यक्ति ऐ।

<><><><><><>

Coaching-Institute

केंद्री उपभोक्ता संरक्षण प्राधिकरण नै कोचिंग संस्थानें आसेआ गलत ते झूठे विज्ञापनं पर रोकथाम आस्तै दिशा-निर्देश जारी कीते। एहदे तैहत सब्बनं कोचिंग संस्थानें गी अपने छात्रें ते पाइयक्रमें बारै च प्रसांगिक जानकारी देने लेई आखेआ गेआ ऐ जेदे कन्नै मेदवारें ते उंदे अभिभावकें गी गुमराह होने कन्नै बचेआ जाई सकोग।

<><><><><><>

Encounter

दक्खनी कश्मीर दे कुलगाम जिले च यारीपोरा दे बड़ीमार्ग इलाके च अज्ज सुरक्षाबलें ते आतंकवादिएं बश्कार टाकरा होआ। अधिकारिएं मूजब इलाके च आतंकवादिएं दी मजूदगी बारै इक पक्की सूह थोने परेंत सुरक्षाबलें उत्थे घेराबंदी ते तपाशी अभियान चलाया। सुरक्षाबलें दे जवान जिआं गै संदिग्ध थाहै कश पुज्जे तां उत्थे छप्पे दे आतंकवादिएं उंदे पर गोलीबारी कीती जेदा सुरक्षाबलें बी बनकदा परता दिता ते टाक्करा भखी पेआ। मन्नेआ जा'रदा ऐ जे इलाके च हिज्बुल मुजाहिद्दीन गुट दे 2 शां 3 आतंकवादिएं गी सुरक्षाबलें अपने घेरे च लैते दा ऐ। उआं इस बारै होर ब्यौरे गी अजें बलगेआ जा करदा ऐ।

<><><><><><>

Active-Terrorists

जम्मू-कश्मीर च एल्लै तकरीबन 119 आतंकवादी सरगर्म न पर मुख्त तौरा पर पाकिस्तानी आतंकवादिएं दी गिनतरी मती घट्ट ऐ। राश्ट्री खबरें आहली इक पत्रिका नै खूफिया जानकारी दे हवाले नै दस्सेआ ऐ जे पीर पंजाल दे उत्तरी रेंज च 79 आतंकवादी सरगर्म न जिंदे चा 61 विदेशी ते 18 मकामी न। एहदे अलावा पीर पंजाल दे दक्खनी रेंज च सरगर्म आतंकवादिएं दी तादाद 40एं जिंदे चा 34 विदेशी ते 6 मकामी न। मकामी स्तर पर आतंकवादिएं दी भर्थी च कमी दे चलदे पाकिस्तान आसेआ जम्मू-कश्मीर च आतंकवादिएं दी घुसपैठ करोआई जंदी ऐ, इस करियै विदेशी आतंकवादिएं चा मते सारे पाकिस्तानी न। प्रदेश च इस बरे तकरीबन 25 आतंकवादी घटनां होइयां जिंदे चा 24 फौजी शहीद होए

जिल्ले के पिच्छले बरे 25 आतंकी घटनाएं च 27 जवान शहीद होए हे। सुरक्षाबलें इस बरे 61 आतंकवादिएं दा सफाया कीता जिंदे चा 21 पाकिस्तानी हे। इस बरे जम्मू खिते च केई आतंकी वारदातां होइयां ते केई आतंकवादिएं गी ढेर बी कीता गेआ ऐ।

<><><><><><>

Panchayatri-Raj

पंचैती राज मंत्रालय कल नमीं दिल्ली च वित्त आयोग दे इक दिन दे सम्मेलन दा आयोजन करोग। सम्मेलन दा आयोजन 16में माली आयोग दे अध्यक्ष डॉ. अरविंद पनगढ़िया हुंदी अगुवाई च कीता जाग। एह सम्मेलन ग्रामीण मकामी निकाएं आसतै पैसे दे असरदार ढंगै कन्नै आवंटन च राज्य वित्त आयोगें दी भूमिका पर चर्चा करने ते एहदे च बाद्दे आस्तै प्रमुख सरबन्धी धड़ें गी किट्ठे आहनना ऐ।

<><><><><><>

Arunachal-Festival

अरुणाचल प्रदेश साहित्य महोत्सव दा 6मां संस्करण अज्ज ईटानगर च शुरू होआ। त्रै दिनें दे इस कार्यक्रम दा उद्घाटन राज्यपाल कंटी पटनायक होरें कीता। इस मौके पर राज्य दे गृह मंत्री मामा नातुंग, आई.पी.आर मंत्री न्यातो डुकम ते केई साहित्यिक हस्तियां ते मन्ने-परमन्ने दे लोक मजूद हे।

<><><><><><>

Trade-Fair

नीति आयोग दे सदस्य डॉ. वी.के पाल होर कल नमीं दिल्ली दे भारत मंडपम च 43में भारतीय अंतरराष्ट्रीय बपार मेला 2024 च सेहत ते परोआर कल्याण मंत्रालय दे सेहत मंडप दा उद्घाटन करडन। एह मंडप 19 कार्यक्रम प्रभागें दे राएं मंत्रालय दी प्रमुख उपलब्धिएं गी प्रदर्शित करोग। एहदे च एच.आई.वी, मधुमेह, बी.पी ते होर दुई गैर संचारी बमारिएं आस्तै इंटरैक्टिव स्क्रीनिंग ते परामर्श सत्र बी शामिल होंगन।

<><><><><><>

BSF-Alert

बी.एस.एफ जम्मू फ्रंटियर दे इंस्पेक्टर जनरल डी.के बूरा होरें अज्ज आखेआ ऐ जे घुसपैड़ दी हर इक कोशश गी नाकाम बनाने लेई सुरक्षाबल पूरी चाल्ली तैयार न ते कुसै बी चुनौती कन्ने निब्बड़ने लेई इक तगड़ी सुरक्षा प्रणाली अमल च आहन्नी गेदी ऐ। आकाशवाणी दे जम्मू संवाददाता मूजब आई.जी बूरा होरें आखेआ ऐ जे जेगर आतंकवादी कुसै चाल्ली घुसपैठ करी बी लैंदे न तां बन्ने कश गै उंदे सफाये दी बी पूरी बवस्था रक्खी गेदी ऐ। बूरा होर बीएसएफ दी पच्छमी कमान दे एडीजी सतीश एस.

<><><><><><>

GoC-LoC

मेजर जनरल कौशिक मुखर्जी होरें सामरिक महत्व आहली Ace of Spade डिवीजन दे जनरल आफिसर कमांडिंग दा कार्यभार अज्ज साम्भी लैता ऐ। पुंछ

ते राजौरी जिले च कब्जा रेखा दी राखी दी जिम्मेदारी Ace of Spade डिविजन पर ऐ। आकाशवाणी दे जम्मू संवाददाता दी रिपोर्ट मूजब, मेजर जनरल मुखर्जी होरें मेजर जनरल गौरव ऋषि हुंदे थमां एह जिम्मेदारी साम्भी ऐ। Ace of Spade डिविजन गी 25 Infantry Division बी आखेआ जंदा ऐ ते एहदा हैडक्वार्टर राजौरी कस्बे च ऐ। अपना कार्यभार साम्भने परेंत मेजर जनरल मुखर्जी होरें डिविजन दे सब्बने अधिकारिएं ते जवानें गी आखेआ जे ओह फौजी कारवाइएं लेई म्हेशां तैयार-बर-तैयार रौहन।

<><><><><><>

BSF-Security

बी.एस.एफ दी पच्छमी कमान दे एडीशनल डरेक्टर जनरल सतीश एस. खंडारे होरें जम्मू च पाकिस्तान कन्ने लगदे अंतरराष्ट्रीय बन्ने कश सुरक्षा हालात दा जायजा लैता। आकाशवाणी दे जम्मू संवाददाता मूजब, इस मौके पर फील्ड कमांडरें उनेंगी फौजी कारवाइएं सरबन्धी बक्ख-बक्ख पैहलुएं बारे जानकारी दिती। बीएसएफ जम्मू फ्रंटियर दे आई.जी डी.के बूरा ते होर दुए सीनियर अधिकारी बी उंदे कन्ने हे। बन्ने पर आतंकवादिएं दी घुसपैड़ ते थेआरें दी तस्करी रोकने लेई जम्मू सैक्टर च अंतरराष्ट्रीय बन्ने ते कब्जा रेखा दे किश हिस्सें च बलें गी हाई अलर्ट पर रक्खेआ गेदा ऐ। स्यालें दरान कब्जा रेखा दे मते सारे हिस्सें पर बर्फबारी करी घुसपैठ दे रस्ते बंद होई जंदे न जिस करियै आतंकवादी अंतरराष्ट्री बन्ने राहें घुसपैठ दी फिराक च रौहंदे न। एह आतंकवादी जम्मू संभाग दे पदरे

इलाकें च स्यालें दरान धुंध ते कोहे दा फायदा ठोआइयै घुसपैठ करने दी कोश्ट करदे न।

<><><><><><>

Accident

रियासी दे शिवखोड़ी तीर्थ स्थान बक्खी जा'रदी इक बस अज्ज हादसे दा शिकार होई जिस करी 15 श्रद्धालु ज़ख्मी होई गे। स्हाड़े जिला संवाददाता देवेंद्र ठाकुर दी रिपोर्ट मूजब माता वैश्वो देवी तीर्थ स्थान थमां 40 श्रद्धालुएं गी लेइयै शिवखोड़ी जा'रदी बस सिम्बल चोआ दे नेड़े हादसे दा शिकार होई ही। हादसे च 15 श्रद्धालु जख्मी होए जिनेंगी नेडत्रे दे अस्पतालें च भर्ती करोआरया गेआ। ज़ख्मी होए दे श्रद्धालु उत्तर प्रदेश दे सीतापुर इलाके दे बसनीक न।

<><><><><><>